



17. oktober 2009

Inatsisartut suleriaasianni § 36 imm. 1 naapertorlugu Naalakkersuisunut apeqqutit imaattut matumuuna saqqummiuppakka:

Royal Greenland Inatsisartunit 250 mio. kr. tapiiffigineqarpoq taarseqassarsitinneqarlunilu aamma 250 mio. kr. taamaattumik Naalakkersuisunut apeqqutit imaattut saqqummiuppakka.

Naalakkersuisunut apeqqut:

- 1. Naalakkersuisut ilisimavaat Royal Greenland-imit aningaasat taakkua sumut atorpeqarsimanersut?**
- 2. Tusallatsiakkat ilagivaat ukiaq manna Royal Greenland Nuummi illunik inissianillu pisisarsimasoq – tamanna ilumoorpa?**

Tungavilersuut:

Royal Greenland aasaq manna Inatsisartuni amerlanerussuteqartut aalajangiinerisigut 250 mio. kr. tapiiffigineqarpoq, taakkulu saniatigut 250 mio. kr. atukkerneqarluni.

Tapiissuteqarnermiit, atukkiinnermiit maannakkut qaammatit tallimat qaangiutereerput.

Taamaammat pissanganarpoq paasissallugu Inatsisartut tapersiinerisa, atukkiinerisa kingornatigut aningaasat taakkua Royal Greenland-imit sumut atorpeqarsimanersut.

Tusallatsiakkat ilagivaat Inatsisartut taperseereernerisa, atukkeereernerisa kingorna Royal Greenland illunik inissianillu arlaqartunik Nuummi pisisimasoq. Soqutiginarpoq paasissallugu tamanna ilumoornersoq.

Karl Lyberth

Siumut

Inatsisartuni ilaasortaq



SIUMUT

INATSISARTUNI ILAASORTAATITAT / LANDSTINGSGRUPPEN